



# TSA RAB PEEV XWM KOM SIAB:

## Tsim Cov Hau Kev rau Kev Koom Tes Thoob Ntiaj Teb


Muab Txoj Hau Kev Rau Txhua Tus Tub Ntxhais Kawm Txog Kev Paub Ntau Yam Lus



Thov nco qab ntsoov tias kev paub ntau yam lus yog ib lub hwj chim loj. Tshwj xeeb tshaj yog zej tsoom thoob ntiaj teb niaj hnuv no thiab kev lag luam, kev paub ntau dua ib hom lus txij thaum yug los, txais yuav hom lus tshiab los ntawm tsev kawm ntawv, los sis kawm cov lus tshiab tom qab hauv kev ua neej tuaj yeem muab qhov txiaj ntsig zoo uas pom tau. Kev muaj peev xwm nyeem thiab xav txog tau ntau dua ib hom lus txhawb txoj kev xav mus rau theem siab dua, uas yog qhov tseem ceeb hauv kev kawm. Thiab cov neeg laus uas txawj ntau hom lus thiab paub ntau hom ntawv muaj lub cib fim dav txog kev muaj hauj lwm ua. Txhua tus tub ntxhais kawm yuav tsum muaj lub cib fim nkag cuag rau kev kawm ntau hom lus.

“Tsa Tsab Peev Xwm Kom Siab: Coj Lub Ntiaj Teb” yog Teb Chaws Asmeskas Lub Chaw Hauj Lwm Saib Xyuas Kev Kawm Ntaub Ntawv nqua hu kom los nqis tes ua kev hloov pauv txoj kev kawm thiab sib koom tes rau yam uas siv tau—raws li txoj kev paub thiab kev tshawb fawb dhau ntau caum lub xyoo—los txhawb vaj huam sib luag fab kev kawm thiab ua tau zoo tshaj plaws tuaj. Thaum yog ib feem ntawm peb Kev Tsa Rab Peev Xwm Kom Siab Tuaj yam siv zog kawg los tsim txoj hauv kev rau kev koom tes thoob ntiaj teb, Lub Chaw Hauj Lwm (Department) tab tom ua hauj lwm los muab txoj hauv kev rau txhua tus tub ntxhais kawm kom tau kawm ntau hom lus thaum ua kom muaj vaj huam sib luag rau kev kawm zoo rau cov neeg kawm lus Askiv, cov uas yav dhau los ntawd tsis raug muab kev rau nqi rau.

Tus naj npawb ntawm cov neeg hauv Teb Chaws Asmeskas uas hais tau ntau dua ib hom lus dhau ntawm lus Askiv tau nce peb npaug hauv peb caug lub xyoos dhau los. Thiab muaj ntau dua 5 lab tus neeg kawm lus Askiv hauv peb lub teb chaws tsoom fwv cov tsev kawm. Peb yuav tsum ua txhua yam peb ua tau los pab txhawb cov tub ntxhais kawm kom coob zuj zus tuaj kom lawv ua tau raws li lawv lub peev xwm ua tau thiab vam meej.



### Cov Ntsiab Lus Rau Kev Txhim Kho Cov Neeg Kawm Lus Askiv thiab Ntau Hom Lus

Lub Chaw Hauj Lwm (Department) tau cog lus los ua hauj lwm nrog cov thawj coj hauv xeev thiab hauv zos los nqis peev rau, txhawb nqa, thiab pab cov pov thawj raws li kev xyaum cov lus thiab cov khoos kas pab cuam. Kev nqis tes ua yam muaj hauv kev hauv cov cheeb tsam hauv qab no sawv cev rau cov txhawb nqa tseem ceeb los muab txoj hauv kev rau txhua tus tub ntxhais kawm txog kev kawm paub ntau hom lus.



#### KEV TAU TXAIS VAJ HUAM SIB LUAG RAU COV NEEG KAWM LUS ASKIV

Tsim thiab nqis tes ua cov txheej txheem uas txhawb rau kev saib xyuas kev tiv thaiv pej xeem cov cai ntawm cov neeg kawm lus Askiv nrog rau cov luag hauj lwm fab nyiaj xtiag rau cov kev pab cuam rau cov neeg kawm lus Askiv thiab txhawb nqa cov kev coj ua uas muaj pov thawj zoo los daws cov teeb meem uas cov neeg kawm Lus Askiv tuaj yeem ntsib hauv kev kawm



#### COV NEEG UA HAUJ LWM KWS QHIA NTAUV UA NTAU HOM LUS/NTAU YAM LUS YAM SIB TXAWV

Muab cov kev pab cuam fab txuj ci thiab kev pab fab nyiaj xtiag thiab kev nthuav tawm cov ntaub ntawv hais txog cov txheej txheem uas muaj pov thawj ua tau zoo hauv xeev thiab hauv zej zog uas txhawb rab peev xwm rau cov neeg ua hauj lwm qhia ntawv, suav nrog Kev Loj Hlob-Koj-Tus Kheej, cov kws qhia ntawv nyob hauv, thiab cov khoos kas xyaum ua hauj lwm; thiab txhawb rau cov tsev kawm qib siab thiab cov tsev kawm universities hauv kev mob siab rau txog cov Kawm Lus As Kiv Yog Hom Lus Thib Ob thiab cov khoos kas npaj cov kws qhia ntawv ua ob hom lus rau cov kws qhia ntawv ntau hom lus ua ke



#### COV KEV KAWM NTAU HOM LUS TAU ZOO RAU TXHUA TUS

Txhawb kev mus cuag tau cov kev pab kawm lus muaj txiaj ntsig siab thiab cov xeev thiab cov nroog uas tau teev tseg tias yog cov muaj pov thawj nqis tes ua cov khoos kas kawm ob hom lus thiab lub thawj ntawm kev paub ntawv

Mus Saib qhov [Tsa Rab Peev Xwm Kom Siab: Tsim Txoj Hau Kev Rau Kev Koom Tes Thoob Ntiaj Teb](#) kom nyeem ntau ntxiv txog cov hauv kev tshwj xeeb uas tau teev cia ntawm no, txuas rau cov chaw pab cuam, thiab kawm paub txog tsoom fwv cov nyiaj pab uas tuaj yeem txhawb qab cov hauv kev no.